

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtru[m] totus Christus sit sub vtraque parte specierum? 3

urn:nbn:de:hbz:466:1-38725

est quidem sanguis Christi ex vi sacramenti: corpus autem Christi ex reali concomitantia, sicut anima, & diuinitas: eo quod nunc sanguis Christi non est ab eius corpore separatus, sicut fuit tempore passionis & mortis. Vnde si tunc fuisset hoc sacramentum celebratum sub speciebus panis, fuisset corpus Christi sine sanguine: & sub speciebus vini, sanguis sine corpore, sicut erat in rei veritate.

Ad primum ergo dicendum, quod quamvis totus Christus sit sub utraque specie, non tamen frustra. Nam primo quidem hoc valet ad representandam passionem Christi, in qua seorsum fuit sanguis a corpore separatus: unde & in forma consecrationis sanguinis fit mentio de eius effusione. Secundo, hoc est conueniens usui huius sacramenti, ut seorsum exhibetur fidelibus corpus Christi in cibum, & sanguis in potum. Tertio, quantum ad effectum, secundum quod supra dictum est*, quod corpus exhibetur pro salute corporis, & sanguis pro salute animæ.

Ad secundum dicendum, quod in passione Christi (cuius hoc sacramentum est memoriale) non fuerunt aliae partes corporis ab invicem separatae, sicut sanguinis; sed corpus indissolutum permanxit: secundum, quod legitur Exod. 12. Nec os illius constringetis. Et ideo in hoc sacramento seorsum consecratur sanguis a corpore; non autem aliqua alia pars ab alia.

in corpo-

re art.

4. 10. a.

3. 9. 3. ♂

d. 12. q. 1

ar. 3. q. 2.

ad 3. ♂

4. text. c.

67. ♂

4. 8. c. fin.

Ad tertium dicendum, quod sicut dictum est, corpus Christi non est sub specie vini ex vi sacramenti, sed ex reali concomitantia. Et ideo per consecrationem vini, non sit ibi corpus Christi per se, sed concomitanter.

A R T I C . I I I .

Vtrum sit totus Christus sub qualibet parte Specierum panis vel vini?

A D tertium sic proceditur. Videtur, quod non sit totus Christus sub qualibet parte specierum panis vel vini. Species enim illæ diuidi possunt infinitum. Si ergo Christus totus est sub qualibet parte

spe-

specierum prædictarum, sequeretur q̄ infinites esset in hoc sacramento: quod est inconueniens: nam infinitum repugnat non solum naturæ, sed etiam gratiæ.

¶ 2 Præterea, Corpus Christi cum sit organicum, habet partes determinate distantes: est enim de ratione organici corporis, determinata distantia singulorum partium ab inuicem: sicut oculi ab oculo, & oculi ab aure. Sed hoc non posset esse, si sub qualibet parte specierum esset totus Christus: oporteret enim, quod sub qualibet parte esset qualibet pars: & ita vbi esset una pars, esset & alia. Non ergo potest esse, quod totus Christus sit sub qualibet parte hostie, vel vini contenti in calice.

¶ 3 Præterea, Corpus Christi semper veram retinet corporis naturam, nec unquam mutatur in spiritum. Sed de ratione corporis est, ut sit quantitas positionem habens: vt patet in * Prædicamentis. Sed ad rationem huius quantitatis pertinet, quod diuerse partes in diuersis partibus loci existant. Non ergo potest esse (vt videtur) quod totus Christus sit sub qualibet parte specierum

S E D contra est, quod Aug. * dicit in quadam sermone, Singuli accipiunt Christum Dominum, & in singulis portionibus totus est, nec per singulas minitur, sed integrum se præbet in singulis.

R E S P O N D E O dicendum, quod sicut ex supradictis patet *, quia in hoc sacramento substantia corporis Christi est ex vi sacramenti, quantitas autem dimensiua ex vi realis concomitantia: ideo corpus Christi est in hoc sacramento per modum substantie, id est, per modum quo substantia est sub dimensionibus, non aurem per modum dimensionum, id est, non per modum illum, quo quantitas dimensiua alicuius corporis, est sub quantitate dimensioniua loci. Manifestum est autem, quod natura substantiae tota est sub qualibet parte dimensionum, sub quibus continetur: sicut sub qualibet parte aeris est tota natura aeris, & sub qualibet parte panis est

tota

*in cap. de
quantita
te, to. I.*

**refertur
de cos. d.
2. c. singu
li.*

*ar. i. hu
ius q. &
ar. præc.*

tota natura panis. Et hoc indifferenter, siue sint dimensiones actu diuisæ, (sicut cum aer diuiditur vel panis secatur) vel etiam sint actu indiuisæ, diuisibiles vera potentia. Et ideo manifestum est, quod totus Christus est sub qualibet parte specierum panis, etiā hostia integra manente, & non solum cum frangitur: sicut quidam dicunt, ponentes exemplum de imagine, quæ apparat in speculo, quæ apparat vna in speculo integro; in speculo autem fracto, apparent singulæ in singulis partibus. Quod quidem non est omnino simile: quia multiplicatio huiusmodi imaginu accidit in speculo fracto propter diuersas reflexiones ad diuersas partes speculi: hic autem non est nisi vna consecratio, propter quam corpus Christi est in hoc sacramento.

Ad primum ergo dicendum, quod numerus sequitur diuisionem. Et ideo quamdiu quantitas manet indiuisa actu, neque substâlia alicuius rei est pluries sub dimensionibus proprijs, neque corpus Christi sub dimensionibus panis; & per consequens neque infinites, sed toties, in quot partes diuiditur.

Ad secundum dicendum, quod illa determinata distantia partium in corpore organico, fundatur super quantitate dimensiua ipsius: ipsa autem natura substâlia, præcedit etiam quantitatē dimensiuum. Et ideo quia conuersio substâlia panis directe terminatur ad substâliam corporis Christi, secundum cuius modū proprie & directe est in hoc sacramento corpus Christi: talis distantia partium est quidem in ipso corpore Christi vero: sed non secundum hanc distantiam comparatur ad hoc sacramentum, sed secundum modum suæ substâlia, sicut dictum est *.

Ad tertium dicendum, quod ratio illa procedit de natura corporis, quam habet secundum quantitatem dimensiua. Dictum est autem f, quod corpus Christi comparatur ad hoc sacramentum, non ratione quantitatis dimensiæ, sed ratione suæ substâlia, sicut dictum est *.

A R-

*in cor. a.
et a. i. ad
3.
In co. et
ar. i hu-
sus q.
in co. ar.*